

91/8/2 (三) 功課

幾何因取相建立世次第義喻廣分別集總頌應知。

九門義者：一、幾拳故列名門。二、何因問答廢立門。三、何取問答別多門。四、何相問答體性門。五、何建立問答差別門。六、何次第問答前後門。七、何義問答釋名門。八、何前問答譬況門。九、何廣分別問答諸義門。

下釋前標九神門義文勢有二。初覺師子假興問答論端先辨三科所由。二隨九門一一別顯。就初有二。先問後答。

問。何故論端先辨謚等。

答。欲令學者於幾何因等諸思擇處得善巧故。

此初略答。思謂思量則止觀。思擇謂擇簡則論議者。此二皆是能思擇也。處謂處所。即所思擇九門是也。善謂勝妙。巧謂巧便。即是方便。意言論首先辨三科。欲令思擇精勤修學者於幾何因等前九門義所思擇中獲得勝妙巧方便故。以智慧生長。

所以者何。

此徵所由。今於此等得其善巧之所以者何謂也。未究了故。

由此善巧。能得二種稱讚利益。所謂作意稱讚利益。論議決擇稱讚利益。由此論初辨三科法。令止觀者於思擇處得勝方便。斷諸煩惱。當自利滿足。既自歡喜。稱揚讚歎。他人亦復稱讚其美。若利他者。談論法義。於思擇處既得善巧。自生喜讚。亦令他人斷諸煩惱。讚揚美故。此二增長現後安樂。名二利益。或稱讚者。談此二種順理益物。可稱可讚。言其勝益之甚。非說自他面贊。

作意稱讚利益者。謂善順增長奢摩地毗鉢舍那故。

奢摩地者。此翻為止。即等引位。略有九種。謂內攝心令等住等。毗鉢舍那。此翻為觀。謂簡擇法極簡擇等。略有四種。此等如下第十卷說。謂由九門辨三科法。為境界故。聞思修起。令彼止觀圓滿成就。境勝順心。或因順果。故多善順。增長止觀。止觀皆為所增長法。

善順增長奢摩地者。謂於如是諸思擇處。已作善巧得無疑故。

此釋止增。先彰斷惑。由於三科起聞思慧。已得善巧。令疑惑等障定煩惱。皆不得生。以疑為初。例包一切。

隨其所樂於一境界正觀理前心易定故。

正明止增由得聞思方便善巧無疑等故。隨其行者所樂之法十善巧中於一境界起聞思慧無倒觀察起現在前定易生故。

善順增長毗鉢舍那者。以無量門觀察一切所知境界。速令正慧究竟滿故。

此釋觀增謂此論初緣以九門別以無量門觀察一切所知境界。境順心故。速令學者無倒三慧究竟成滿。或聞思因順修慧果觀真理慧名正慧故。此二止觀通有無漏在出在間。唯定非散。如聖智得究竟。能得一切智果自利滿故。速令正慧究竟滿者。謂無漏慧。

論議決擇稱讚利益者。由於如是諸思擇處善通達故。成就一切問答自在於諸異論得無所畏。

此解利地謂由於彼九門體義得無漏慧善通達故。便能成就問答自在於餘一切異談論中。或餘一切異論教中。善能通達得無所畏。由此三科攝法盡故。九門廣釋體義同故。

9/8/20 功課

十力：1. 知是處非處智力 2. 知過現未來業報智力 3. 知諸禪解脫三昧智力
4. 知諸根勝劣智力 5. 知種種解智力 6. 知種種界智力 7. 知一切至處道
智力 8. 知天眼無礙智力 9. 知宿命無漏智力 10. 知永斷習氣智力。

四無所畏：^說 1. 一切智無所畏 2. 說漏盡無所畏 3. 說障道無所畏 4. 說盡苦道
無所畏。

九住心：^注 1. 內住 ^注 2. 等住 ^注 3. 安住 ^注 4. 近住 ^注 5. 調順 ^注 6. 寂靜 ^注 7. 最為寂靜住
8. 專注一趣 9. 等持。

毗鉢舍那：簡擇法、攝簡擇、徧尋思、徧伺察。